




SKUPŠTINA KANTONA SARAJEVO

KLUB ZASTUPNIKA DEMOKRATSKE FRONTE

KOLEGIJ SKUPŠTINE



AMANDMANI

NA PRIJEDLOG ODLUKE O IZMJENAMA I DOPUNAMA POSLOVNIKA SKUPŠTINE KANTONA SARAJEVO

AMANDMAN 1

Član 71. stav 1 mijenja se i glasi:

Poziv za radne sjednice Skupštine upućuje se poslanicima/zastupnicima, predsjednicima radnih tijela Skupštine, Vladi i ostalim učesnicima, skupa sa prijedlogom dnevnog reda i materijalima po pojedinim tačkama dnevnog reda, elektronskim putem, najmanje 10 dana prije održavanja sjednice.

U članu 71. dodaju se novi stavovi 5 i 6 koji glase:

U slučaju prekida sjednice, nastavak sjednice će biti naredni dan.

Ukoliko nije moguće odmah utvrditi termin nastavka sjednice, predsjedavajući Skupštine u dogovoru sa Kolegijem Skupštine utvrditi termin nastavka sjednice. Poziv za nastavak sjednice dostavlja se najkasnije 48 sati prije utvrđenog termina za nastavak sjednice.

AMANDMAN 2

Član 83 mijenja se i glasi:

Nakon utvrđivanja kvoruma sjednice, predsjedavajući predlaže dnevni red i obavještava o eventualno pristiglim prijedlozima za izmjenama i dopunama dnevnog reda u skladu sa članom 73. Poslovnika i stavlja dnevni red na glasanje.

U toku zasjedanja Skupštine Kantona Sarajevo obavezno je postojanje kvoruma. Ukoliko ne postoji kvorum u toku sjednice, sjednica se prekida.

Po usvojenom dnevnom redu, Skupština glasanjem potvrđuje prihvatanje zapisnika sa prethodne sjednice.

Na sjednici se raspravlja o svakoj tački dnevnog reda, prije nego se o njemu odlučuje/glasa.

Predsjedavajući vodi nastavak sjednice u skladu sa utvrđenim dnevnim redom sjednice i otvara pojedinačno tačke dnevnog reda na način da daje riječ predlagачu radi davanja uvodnih napomena koje ne mogu biti duže od 10 minuta.

Ukoliko tačka dnevnog reda ima podtačke, o svakoj od njih će se raspravljati i glasati pojedinačno.

Nakon uvodnih napomena, predsjedavajući daje mogućnost da predstavnici radnih tijela obrazlože svoje izvještaje i zastupnici/poslanici postave pitanja.

Predlagач tačku dnevnog reda može ponuditi odgovore na pitanja.

Nakon uvodnih napomena, predsjedavajući otvara raspravu.

O svakoj tački dnevnog reda se odlučuje/glasa po zaključivanju diskusije/rasprave.

AMANDMAN 3

Član 86. mijenja se i glasi:

Rasprava o pojedinim pitanjima dnevnog reda sjednice ograničena je i to:

- za poslanike/zastupnike pojedinačno do 10 minuta kada prvi put diskutuje, kada se ponovno jave za riječ po istom pitanju ovo pravo se ograničava na 3 minute;
- za predstavnika klubova poslanika/zastupnika do 15 minuta;
- za predstavnika radnih tijela do 5 minuta.
- za goste do 10 minuta

AMANDMAN 4

Član 87. mijenja se i glasi:

Nijedan poslanik/zastupnik ne može imati drugu redovnu diskusiju dok se ne iscrpi lista zastupnika koji su se javili prvi put za diskusiju.

AMANDMAN 5

Član 89. mijenja se i glasi:

Poslanik/zastupnik može zatražiti riječ da bi ispravio krivi navod i dobiva riječ odmah.

Poslanik/zastupnik kad dobije riječ, mora tačno precizirati koji navod ispravlja.

Ispravka krivog navoda ne može trajati duže od tri minute.

AMANDMAN 6

Član 90. mijenja se i glasi:

Poslanik/zastupnik može zatražiti pravo na repliku da bi ispravio navod koji može izazvati nesporazum ili zahtijeva objašnjenje.

Predsjedavajući će replikantu dati riječ odmah po završetku izlaganja govornika koji je izazvao repliku, a ista može trajati najduže tri minute.

Poslanik/zastupnik ima pravo odgovoriti replikantu na repliku, a ista može trajati najduže 3 minute.

AMANDMAN 7

Član 92 mijenja se i glasi:

Red na sjednicama održava predsjedavajući Skupštine.

Za povredu reda na sjednici smatra se:

- nepridržavanje odredbi Poslovnika;
- nedolično i uvredljivo ponašanje prema učesnicima i prisutnima na sjednici; i
- ometanje normalnog rada na sjednici.

Za povredu reda na sjednici predsjedavajući može opomenuti poslanika/zastupnika, oduzeti mu riječ, a ukoliko ovaj nastavi sa povredom reda, može ga udaljiti sa sjednice.

Ukoliko poslanik/zastupnik nastavi sa povredom reda na sjednici, predsjedavajući Skupštine može prekinuti sjednicu do uspostave normalnih uslova za rad.

AMANDMAN 8

Član 93. mijenja se i glasi

Pauzu tokom sjednice, do 30 minuta, daje predsjedavajući na zahtjev zastupničkog kluba, kluba naroda, ili 1/3 poslanika/zastupnika.

Zahtjev za pauze do 30 min. odobrava predsjedavajući bez obrazloženja.

Zahtjev za pauzu dužu od 30 minuta može biti odobren većinskom odlukom Skupštine.

Sjednicu Skupštine može prekinuti predsjedavajući u dogovoru sa zamjenicima,. O razlozima prekidanja i terminu nastavka sjednice, predsjedavajući je dužan je informisati Skupštinu.

Ukoliko nije moguće odmah utvrditi termin nastavka sjednice, predsjedavajući Skupštine će utvrditi termin nastavka sjednice. Poziv za nastavak sjednice dostavlja se najkasnije 48 sati prije utvrđenog termina za nastavak sjednice.

AMANDMAN 9

Član 94. mijenja se i glasi:

Odlučivanje na sjednicama Skupštine vrši se glasanjem i u pravilu ono je javno, osim ako Ustavom, zakonom ili Poslovnikom nije utvrđena obaveza tajnog glasanja.

O svakoj tački dnevnog reda glasa se po završetku rasprave/diskusije.

AMANDMAN 10

Član 115 mijenja se i glasi:

Sjednicama Skupštine može prisustvovati gost.

Gost na sjednicama Skupštine može učestvovati u radu Skupštine, obratiti se zastupnicima/poslanicama i članovima Vlade, iznijeti ekspertsko mišljenje ukoliko za to postoji saglasnost Kolegija.

Ukoliko gost želi da se obrati Skupštini, njegovo izlaganje ne može biti duže od 10 minuta.

AMANDMAN 11

Član 137 mijenja se i glasi:

Nacrt zakona pretresa se na sjednici Skupštine po isteku roka od 10 dana od dana dostavljanja poslanicima.

AMANDMAN 12

Član 147 mijenja se i glasi

Predsjedavajući Skupštine po prijemu dostavlja prijedlog zakona poslanicima/zastupnicima i on se može pretresati na sjednici Skupštine po isteku roka od 10 dana od dana dostavljanja poslanicima/zastupnicima.

AMANDMAN 13

U članu 194. stav 2 mijenja se i glasi:

Prijedlozi iz prethodnog stava dostavlja se u pismenoj formi i sa obrazloženjem predsjedavajućem Skupštine najmanje 10 dana prije održavanja sjednice na kojoj će se vršiti izbor, odnosno imenovanje.

AMANDMAN 14

U članu 204. stav 1 mijenja se i glasi

Kandidat za mjesto premijera Kantona dostavlja predsjedavajućem Skupštine prijedlog kandidata za ministre i to najmanje 10 dana prije početka sjednice Skupštine na kojoj će se vršiti imenovanje Vlade.

AMANDMAN 15

Član 212 mijenja se i glasi:

Na svakoj redovnoj sjednici izdvojit će se sat vremena (Vladin sat) za poslanička pitanja, na početku sjednice, kojem obavezno prisustvuju premijer i članovi Vlade Kantona.

Jedan poslanik/zastupnik na jednoj redovnoj sjednici može upućena pitanja i inicijative obrazložiti u roku od 5 minuta.

Odgovori na poslanička pitanja mogu se davati usmeno i/ili pismeno.

AMANDMAN 16

Član 213 mijenja se i glasi:

Poslanici u okviru tačke dnevnog reda „Poslanička pitanja i odgovori“ imaju pravo i dužnost da pokreću inicijative iz nadležnosti Skupštine Kantona.

Pokrenute zastupničke inicijative o kojima se Skupština izjašnjava, a traži se očitovanje Vlade Kantona Sarajevo, izjašnjavanje o istim se odgađa za naredno radno skupštinskog zasjedanje, kako bi Vlada mogla da se očituje o pokrenutim inicijativama.

Ukoliko Vlada ne izvrši očitovanje po inicijativama, o inicijativama Skupština može se izjašnjavati bez stava Vlade, na narednoj radnoj sjednici.

O uvrštavanju podnesenih zastupničkih inicijativa iz prethodnog stava na dnevni red Skupštine odlučuje Kolegij.

O zastupničkim inicijativama o kojima nema potrebe za očitovanje Vlade Kantona, iste se odmah daju na glasanje i dostavljaju u proceduru.

Poslaničke/zastupničke inicijative mogu se dostaviti u elektronskoj formi u toku sjednice, a najkasnije do zaključenja sjednice.

AMANDMAN 17

Član 217. stav 2 mijenja se i glasi

Ukoliko poslanik/zastupnik nije zadovoljan odgovorom ministra, može postaviti novo pitanje u vremenu od 3 minute, nakon čega se premijeru ili nadležnom ministru omogućava odgovor u istom trajanju.

U Sarajevu, 18.11.2024.

Klub zastupnika Demokratske fronte